




www.BibleForChildren.org


Genesis 1




Soo 'udechoo whe'
whudit' en whe
Yak'usda (Elohim)
ndi yun 'ink'ez
yak'uz 'et
'uhóonla.



Yun, ba ndo hoonli lhiloh
'ink'ez 'aw ook'ut 'et
hooloh inle', yattoo k'ut
tsaholhgus za hoonli inle'.
Yak'usda (Elohim)
ooyughi too k'ut
nudults'ut.




'Et Yak'usda (Elohim) 'en 'utni, " 'Et njan be
hoot'en-i hole'." 'Et hoot'en whuzdli'. Yak'usda
(Elohim) ndi be hoot'en 'i dzin yulhni, 'ink'ez ndi
tsalhgus, 'i 'ulhdzis yulhni, 'et whe hulhgha 'ink'ez
bundada' 'et soo
'udechoo dzin
whuzdli'.



'Et Yak'usda (Elohim) ndutni, "Too toh yat hole'
'ink'ez ndo whutoo' 'ink'ez yun k'ut too cha
lhulcho oole'." 'Ink'ez Yak'usda (Elohim) ndo yat
'et yak'uz whulhni. 'Et hulhgha 'ink'ez bundada'
'et whulh nat dzin whuzdli'.



'Et Yak'usda (Elohim) 'utni, "Ndi too yak'uz ba nyo
'i 'ilho oole', 'ink'ez 'et yun dizgi ha hoolts'it."
'Et nduhóoja. 'Ink'ez Yak'usda (Elohim) ndi yun
dizgi 'i yun k'ut whulhni, 'ink'ez ndi too 'ilhoh
nedimbun 'i yatoo' yulhni. 'Et Yak'usda (Elohim)
ooba hoonzoo.



'Et Yak'usda (Elohim) 'utni, "Ndi yun k'ut 'et tl'o,
ndai 'ut'an ha nuyeh ootse whulih. Mai chun oomai'
whulih ts'iyawh dich'oh ooch'e'
nawhudlih, 'i oole'," ni 'et
whe nduhóoja. 'Et hulhgha
'ink'ez bundada'
'et whulh tat dzin.



'Et Yak'usda (Elohim) 'en nanki be hoot'en-i cho
whulhtsi. 'Et ndi tube be hoot'en-i, 'i dzin
huba suli ' 'ink'ez dzohyaz be
hoot'en-i, 'i 'ulhdzis huba suli'.

'Ink'ez ndi sum 'i cha 'uyinla.


'Et hulhgha 'ink'ez bundada'

'et whulh dit dzin whuzdli'




'Et Yak'usda (Elohim)
'utni, "Too toh lhai cho
lho ndunt'oh-i hole',
'ink'ez dut'ai yun ando
yat ndulcho dut'ai be
nuhoot'o".


'Et hulgha 'ink'ez
bundada' 'et kwulat
dzin suli'.




'Et Yak'usda (Elohim) 'utni, "Ndai la khuna-i
dich'oh didoh-i, khuna-i, musdoos te, yun nulh'as-i,
'uyoo khuna-i, ts'iyawh didutch'oh dudun dot'en,
yun ts'u halh'as," 'et whuz un'a 'uhooja.



'Et Yak'usda (Elohim) 'utni, "Dune 'uts' ooleh,
neundot' en-un, nek'un'a 'unt' oh-un, yatoo k'ut,
lho, dut'ai ndo nudilh-i, musdoos, yun k'ut cha, yun
k'ut nulh'as-i cha, 'owhi ts'iyawh yumoodih oole'
sih". Yak'usda (Elohim) yane'
yalh'en-i yunilh'en, ts'iyawh
'uyinla-i 'ink'ez 'alha tube unzoo.
'Et hulhgha 'ink'ezbundada'
'et bulh lhk'u tat dzin.
'Et ts'iyawh whunalh'en
whe tube ooba hoonzoo.
'Et hulhgha 'ink'ez
bundada' 'et
whulh lhk'u tat
dzin suli'.



'Et Moodihti Yak'usda (Yahweh Elohim) ha nuyeh
k'et Eden 'et dune neninilhti, yughole' 'ink'ez
yot'e' ha.




'Ink'ez Moodihti
Yak'usda (Yahweh
Elohim) ndun dune
khuni yutl'a dan'ai
whe nduyulhni, "Ndi
dachun ts'iyawh njan
ha nuyeh 'i on'alh ndet
hukwa' ninzin totsuk. Ndi
dachun be t'eoonudzun-i,
ndet hoonzoo-un, 'ink'ez
ndet hoontsi'-un, 'i oomai'
'aw lhuzon'al. Ndet dzin
in'al-un, 'alha datantsah."



'Et Adam 'en ndi musdoos,
dut' ai ndo yat nudilh, 'ink' ez
tl' o k' ut khuna-i, 'i ts' iyawh
huboozi' whulhtsi. 'Et
'ink' ez Adam yulh ndult' oh
'en yula' oot' en hooloh.



'Ink'ez 'et Moodihti Yak'usda (Yahweh Elohim)
Adam bulh cho yuk'e din'ai, 'et Adam nanisti
'ink'ez oocha 'ilhoghi Yak'usda yuts'u haídantan
'ink'ez yutsung lhts'un be
naíyunilhni. Moodihti
Yak'usda (Yahweh Elohim)
ndi 'ucha dune ts'u ha
idantan, 'i ts'eke
yulhtsi 'ink'ez dune
yughi nilhti.




'Et huwa dune dubá 'ink' ez duloo
bulh bula dootnih 'ink' ez du'at bulh
oot'e 'ink' ez 'ilho yust'e hoole'.



Yak'usda ndi yun k'ut dunene
buk'entsi' k'et 'aw 'ilhoghun duYe' 'en
bugha ínilhti. Mbene la 'en ghun
ooba 'alha' yint'ohne 'aw
dalhótisa, 'ilhiz wheni
hukhutinalh.



1



60



Rome Whut'enne 3:23 'Et wheni ts'iyawh lubeshi
'uts'alh'en. 'Et huwa Yak'usda ye dizti'-i 'et
nduts'óot'e' ait'oh.

Rome Whut'enne 6:23 Lubeshi 'uts'alh'en-un,
'i k'elha daztitsah. 'Et hoonts'i neMoodihti Sizi Gri,
'en gha Yak'usda 'ilhiz be ts'ukhutinalh-un,
'et 'ants'i negha óonin'aih.

Hebrew K'uyalhdukne 9:27 'Ink'ez dune 'ilhoh za
dahútitsah, whuz un'a 'uhóolya, dahúzsai hukw'elh'az
'et de buba nahutideh.

Ephesus Whut'enne 2:8,9 Ye unzoo-i, 'i be be neba
'alha 'uhoont'oh-i gha uzdujih 'et huwa. 'Aw
whenich'oh negha iloh whe uzdujih. Yak'usda 'en negha
óonin'ai. 'Aw 'ut'en unzoo-i, 'i gha iloh uzdujih.
Doo ka la whulohne whe' hududólti'.



Rome Whut 'enne 10:9,10 'Et 'uyoonne Sizi Gri 'en
sMoodihti unli, budíni de, 'ink' ez ndzi yo whe mba 'alha
'uhoont' oh Yak' usda Sizi Gri dazsai whe dunaidilhtih,
'et de dutanjih whe' hoont' oh. 'Et ndzi yo whe mba
'alha 'uhoont' oh de, Yak' usda nalh ts' ih' un un' a
'int' oh. 'Et 'uyoonne dune budíni de,
'et de dínjih whe 'int' oh.

John 3:16,17 Yak' usda ndi yun k' ut dunene buk' entsi '
k' et 'aw 'ilhoghun duYe' 'en bugha ínilhti. Mbene la
'en ghun ooba 'alha' yint' ohne 'aw dalhótisa, 'ilhiz
wheni hukhutinalh. 'Aw dune ba nahutiyeh wheni íloh
Yak' usda duYe' ndi yun k' uz yutilh' a'. 'En gha ndi yun
k' ut whut' enne ts' iyawh hudoojih, 'et wheni
ndi yun k' uz yutilh' a'.



1 John 5:11-13 Ndi oonalh 'óohooja-i, 'i Yak'usda
'ilhiz ts'ukhutinalh-un negha óonin'ai. Ndi 'ilhiz be
ts'úkhuna-i, 'i ooYe' bulh 'únt'oh. Mbe ooYe'
'ut'i-un 'ilhiz be ts'ukhuna-i 'ut'i whe 'unt'oh. Mbe
la Yak'usda ooYe' lhit'ih-un, 'en 'aw 'ilhiz be
ts'ukhuna-i lhit'ih whe 'unt'oh. Mbene Yak'usda
ooYe' boozi' ooba 'alha' yint'ohne ndowhi nohts'ó
k'esguz. 'Et whe la 'ilhiz khutihnalh-un whaht'i
t'eoonóhzin, 'ink'ez Yak'usda ooYe' boozi' nohba
'alha' oot'e' za ooht'e'.



Genesis 1-2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

Carrier Bible (crx) © 2011, Wycliffe Bible Translators,
Inc. All rights reserved.

www.bible.com/bible/603/MAT.1

©2026 Bible for Children, Inc.

www.M1914.org

www.bibleforchildren.org

